

yiō iloan mweo ej kōlā wōnan jo-
kwe, im bōk ir otemjej rej dreloñ
ñōn iben,
31 Im ej kwalok ailiñ in Anij, im

katakin men ko kin IroiJ Jisōs
Kraist, kin elap beran, im ejelok eu
ej bōprae.

jap. 4. 31.

LETTER AN PAUL ÑŌN DRI ROM.

JAPTER 1.

PAUL, korijeran Jisōs Kraist,
emwij kir e bwe en dri jilik,
im kamōkelok ian ñōn gospel an
Anij,

Jerb. 22. 21. 1 Kor. 1. 1. Gal. 1. 1. 1 Tim.
1. 11. & 2. 7. 2 Tim. 1. 11. 1 Jerb. 9. 15. &
13. 2. Gal. 1. 15.

2 Eo E ar kalimur kake mokta
kin dri kanan ro An, ilo Jeje ko
rokwojarjar,

Tait. 1. 2. jap. 3. 21. & 16. 26. Gal. 3. 8.

3 Kin Nejin, eo E ar lotak jen
inen Devid ekar ñōn kōniek,

Mat. 1. 6, 16. Jon 1. 14.

4 Im ba kin E bwe E Nejin Anij
ilo kajur, ekar ñōn Jitōb ōn kwo-
jarjar, kin jerkakbiji an ro remij;
aet Jisōs Kraist ar IroiJ,

Jerb. 13. 33. Hib. 9. 14.

5 Kin E kim ar bōk joij im jermal
an dri jilik ñōn bokake tōmak iben
dri ailiñ otemjej kin etan :

jap. 12. 3. & 15. 15. 1 Kor. 15. 10. Gal. 1. 15.
& 2. 9. Ep. 3. 8. Jerb. 6. 7. Jerb. 9. 15.

6 Ibeir kom bar einwōt, ro Jisōs
Kraist e ar kir ir :

7 Ñōn ro otemjej i Rom, jitenburu
iben Anij, emwij kir ir bwe ren dri
kwojarjar: Joij ñōn kom im aine-
mōn jen Anij Jemer im IroiJ Jisōs
Kraist.

1 Kor. 1. 2. 3. 1 Tes. 4. 7. 2 Kor. 1. 2. Gal. 1. 3.
8 Moka, ij kamolol aō Anij ilo
Jisōs Kraist kin kom otemjej, bwe
ami tōmak e buñbuñ i aolepen lōl.

1 Kor. 1. 4. Pil. 1. 3. Kol. 1. 3. 4. 1 Tes. 1. 2.
Pail. 4. jap. 16. 19. 1 Tes. 1. 8.

9 Bwe Anij aō dri kennan, Eo ij
jermal ñōn E ilo aō ilo gospel an
Nejin, ekijkan e jab jokwōr aō ba
kin kom,

jap. 9. 1. 2 Kor. 1. 23. Pil. 1. 8. 1 Tes. 2. 5.
1 Jerb. 27. 23. Jon 4. 23. 24. Pil. 3. 3.

104

10 Im ien otemjej ilo jar ko aō ij
akwelap, bwe in iwij ñōn kom ien
in, elañe ij maroñ in etal im jeram-
mōn kin jabrewōt ial, ilo ankil an
Anij.

jap. 15. 23, 32. 1 Tes. 3. 10.

11 Bwe elap I kōnan lo kom, bwe
in lewoj ñōn kom jabrewōt men in
yokwe an Jitōb, bwe komin bin ;

jap. 15. 29.

12 Einwōt in, bwe jen ainemōn
ibemi, kij otemjej kin tōmak an
dron, ami im kab aō.

Tait. 1. 4. 2 Pit. 1. 1.

13 Im ro jeiō im jātīō, I jab kōnan
bwe komin jaje, bwe elōñ alen I ar
lemnok bwe in iwij ñōn ibemi, (im
ar bōprae iō ñōn ien in) bwe in bōk
eor lle ibemi, im einwōt iben dri
ailiñ ko jet.

jap. 15. 23. Jerb. 16. 7. 1 Tes. 2. 18. Pil. 4. 17.

14 Ña dri muri ñōn ro dri Grik, im
ñōn ro dri pegan ; ñōn ro re melet-
let im ñōn ro re jab meletlet.

1 Kor. 9. 16.

15 Ein drein, einwōt aō maroñ, I
pojōk bwe in kwalok gospel ñōn
komeo komij ber i Rom.

16 Bwe I jab jok kin gospel: bwe
ej kajur an Anij ñōn lomor iben ro
otemjej rej tōmak, iben dri Ju mok-
ta, im bareinwōt iben dri Grik.

Sam 40. 9, 10. Mark 8. 33. 1 Kor. 1. 18. &
15. 2. Luk 2. 30-32. Jerb. 3. 26. jap. 2. 9.

17 Bwe ilo e wānik an Anij ewalok
jen tōmak ñōn tōmak: einwōt em-
wij je, A dru wānik e naj mour kin
tōmak.

jap. 3. 21. Hab. 2. 4. Jon 3. 36. Gal. 3. 11.
Pil. 3. 9. Hib. 10. 38.

18 Bwe illu an Anij e walok jen

lõñ nae jerawiwi otemjej im nana
an armij, ro rej drebij mol ilo nana;

Jerb. 17. 30. Ep. 5. 6. Kol. 3. 6.

19 Bwe men eo je maroñ in jela
kin Anij e alikar ibeir; bwe Anij e
ar kwalok e ñõn ir.

Jerb. 14. 17.

20 Bwe men ko Au im je ban loi,
rej alikar jen jinoin lõl, bwe re jela
kajeir kin men ko E ar kõmõni,
aet, An kajur in drio im An Anij
wõt; bwe ren jab maroñ in uak:

Sam 19. 1. Jerb. 17. 27.

21 Bwe, ke r'ar jela Anij, r'ar jab
wijtake einwõt Anij, im r'ar jab
kamolol E; a r'ar koutiej lemnok
ko air, im burueir e jaje kake e ma-
roklok.

2 Kin 17. 15. Jer. 2. 5. Ep. 4. 17. 18.

22 Kin air mōke ba re meletlet,
r'ar bwebwelok,

Jerb. 10. 14.

23 Im ukot albuuij an Anij e jab
wabõnbõn ñõn wāwen men in e an
armij e wabõnbõn, im bao ko, im
kuru ko emen ne, im men ko rettõ-
bõlbõl.

Dut. 4. 16. Sam 106. 20. Ezek. 8. 10. Jerb.
17. 29.

24 Kin men in Anij e ar lelok ir
ñõn etton kin lūñ ilo burueir, bwe
ren kananaik enbwinir iben dron:
Sam 81. 12. Ep. 4. 19. 2 Tes. 2. 11. 1 Kor.
6. 18. 1 Tes. 4. 4. 1 Pit. 4. 3.

25 Ro r'ar kõrrā mol an Anij kin
riõp, im kabuñ im jerbāl ñõn men
in kõmõn elap jen ñõn Eo Dri Kõ-
mõn, Eo emõnõnõ in drio. Amen.
1 Jon 5. 20. Isa. 44. 20. Jer. 10. 14. & 13. 25.
Amos 2. 4.

26 Kin men in Anij e ar lelok ir
ñõn kijoñ etton: aet bwe kõra ro
r'ar ukot biktokeir ñõn men eo ej
nae biktokeir:

Ep. 5. 12. Jud 10.

27 Im bareinwõt man ro, ke rej jo-
lok biktoken kõra, rej urur ilo air
mijkaiye ñõn dron, man ro iben
man ro rej kõmõnmõn men eo e
jakkar, im rej bõk ilo ir wõnan
ekar ñõn air nana.

28 Im einwõt r'ar abwin bwe Anij
en ber ilo air jela, Anij e ar lelok ir

ñõn buru men in jolok, bwe ren kõ-
mõnmõn men ko re jakkar;

Ep. 5. 4.

29 Relõñmejrjir kin nana otem-
jej, kin jerawiwi, kin ankwõnak,
kin kakitõtõ, ro robrõk kin jun-
mare, kin uror, kin akwail, kin
mon, kin kirikrik; ir dri unojrik-
rik,

30 Dri rurue, dri kijirāte Anij, dri
lej, dri jua, dri jualõñlõñ, dri kini
men ko renana, dri kiblia ñõn ro
jemeir im jineir,

31 Dri jajelokjen, dri unojriõpip,
dri jeokwe, dri jab tiriamo:

32 Ro meñe re jela wõt kien Anij,
bwe ro rej kõmõn men rõt kein, ir
drien mij, re jab kõmõn men kein
wõt, a rej bõk ñõn buruen ro rej
kõmõnmõni.

Jap. 2. 2. & 6. 21. Sam 50. 18. Hos. 7. 3.

JAPTER 2.

KIN men kein, kwo ban uak, O
armij, jabrewõt kweo kwoj
ekajete: bwe ilo men eo kwoj eka-
jet bar juõn kake, kwoj mōke lia-
kelok yuk, bwe kweo kwoj ekajete
kwoj kõmõn ein drein.

Jap. 1. 20. 2 Samuel 12. 5-7. Mat. 7. 1, 2.
Jon 8. 9.

2 Im je jela bwe ekajet eo an Anij
ekar ñõn mol nae ro rej kõmõn men
rõt kein.

3 Im kwoj lemnok men in, O ar-
mij, kweo kwoj ekajet ro rej kõ-
mõn men rõt kein, im kwoj kõmõn
ein drein, bwe kwo naj ko jen eka-
jet an Anij ke?

4 Ak kwoj kejekron mweiuk in
joij eo An, kab An meanwõr im jab
burokaru, im jaje bwe joij an Anij
ej tellok yuk ñõn ukwelok ke?

Jap. 3. 25. & 9. 23. Ep. 1. 7. & 2. 4. 7. Eks. 34. 6.
Isa. 30. 18. 2 Pit. 3. 9.

5 A kin am bin, im bin buruõm,
kwoj mōke kamweiukiuk yuk kin
illu, mae ran in illu im kwalok eka-
jet eo ejime an Anij;

Dut. 32. 34. Jem. 5. 3.

6 Eo e naj lelok ñõn armij otemjej
ekar ñõn jerbāl ko air:

Sam 62. 12. Jap. 14. 12. Jerb. 20. 12.

7 Ñõn ro, kin air niknik ilo jerbāl

emōn, rej bukot aibujuij im nebar im jab wabōnbōn, mour in drio:

8 A fñōn ro rej wālok, im jab bokake mol, a rej bokake nana, li-bōpne im illu,

Job 24. 13. jap. 1. 18. 2 Tes. 1. 8.

9 Iftan, im jorran ion armij otem-
jej ro rej jerbale nana, dri Ju mok-
ta, kab dri Griik;

Amos 3. 2. Luk 12. 47, 48. 1 Pit. 4. 17.

10 A aibujuij, im nebar im alne-
mōn fñōn ro otemjej rej jerbale
emōn, fñōn dri Ju mokta, kab fñōn
dri Griik:

1 Pit. 1. 17.

11 Bwe ejelok kaljiklok armij iben
Anij.

Dut. 10. 17. 2 Kron. 19. 7. Job 34. 19. Jerb.
10. 34.

12 Bwe jabrewōt ro r'ar jerawiwi
im ejelok kien ibeir, re naj bar ein-
wōt joko im ejelok kien: im jabre-
wōt ro r'ar jerawiwi ilo kien, naj
ekajet ir kin kien;

13 Bwe jab ro rej rofñake kien rej
wānik iman mejen Anij, a ro rej
bokake kien naj kowānik ir:

Mat. 7. 21. Jem. 1. 22, 23, 25. 1 Jon 3. 7.

14 (Bwe ke dri allin ko ro ejelok
kien ibeir rej kōmōn kin biktokeir
men ko an kien, rein, ejelok kien
ibeir, rej elnwōt kien fñōn ir mōke;

15 Bwe rej kwalok jermal an kien,
eo emwij jeje ilo burueir, im air
bōklikōt ej kennan iben, im lemnok
ko air, juōn inem bar juōn, rej ki-
naklok ak kōtlok ir;)

16 Ilo ran eo fie Anij e naj ekajet
men ko retino an armij, ekar fñōn
aō gospel, kin Jisōs Kraist.

Ekl. 12. 14. Mat. 25. 31. Jon 12. 48. jap. 3. 6.
1 Kor. 4. 5. Rev. 20. 12. 1 Jon 5. 22. Jerb.
10. 42. & 17. 31. 2 Tim. 4. 1, 8. 1 Pit. 4. 5.
1 Jap. 16. 25. 1 Tim. 1. 11. 2 Tim. 2. 8.

17 A elañe kwoj ba kwe dri Ju, im
kwoj liki kien, im kimjāje ilo Anij,
Mat. 3. 9. Jon 8. 33. jap. 9. 6, 7. 2 Kor. 11.
22. 1 Mika 3. 11. jap. 9. 4. Isa. 48. 2.
Jon 8. 41.

18 Im kwo jela ankil An, im kwoj
nebar men ko remōn, im emwij am
katak ilo kien,

Pil. 1. 10.

19 Im kwo kanuij liki bwe kwe

dri tel ro rebllō, im maram fñōn ro
rej ber ilo marok,

Mat. 15. 14. & 23. 16, 17, 19, 24. Jon 9. 40, 41.

20 Dri kajime ro dri jaje, im dri
kibel niñniñ ro, im wāwen jela im
mol ilo kien ej ber ibōm;

jap. 6. 17. 2 Tim. 1. 13. & 3. 5.

21 Inem kweo kwoj katakin bar
juōn, kwo jab mōke katakin yuk
ke? kweo kwoj kwalok ren jab
kwot, kwoj kwot ke?

Sam 50. 16-21. Mat. 23. 3-32.

22 Kweo kwoj ba armij en jab lūñ,
kwoj lūñ ke? kweo kwoj kijirāte
ekjōp ko, kwoj kwot jen tempel ko
ke?

Mal. 3. 8.

23 Kweo kwoj kimjāje ilo kien,
kin am kokkure kien kwoj keje-
kron Anij ke?

24 Bwe rej blaspim etan Anij iben
dri allin ko kin kom, einwōt em-
wij je.

2 Samuel 12. 14. Isa. 52. 5. Ezek. 36. 20, 23.

25 Bwe emol mijmij ej kakajuror,
elañe kwoj bokake kien: a elañe
kwe dri kokkure kien, am mijmij
ej erom jab mijmij.

Gal. 5. 3.

26 Inem elañe dri jab mijmij ej
bokake nan ko an kien, an jabmij-
mij jamin watōke mijmij fñōn e ke?

Jerb. 10. 35.

27 Im men eo e jabmijmij kin bik-
tokin, elañe ej kajejit kien, e jamin
ekajet yuk ke, kweo kwoj kokkure
kien ke letter im mijmij rej ibōm?

Mat. 12. 41.

28 Bwe e jab dri Ju eo ej juōn ili-
kin; bareinwōt e jab mijmij men
eo ilikin ilo kōniek:

Gal. 6. 15. Rev. 2. 9.

29 A e dri Ju eo ej juōn ilōan, im
mijmij men eo an buru, ilo jitōb,
im jab ilo letter; im nebar e, e jab
jen armij rōn a jen Anij.

1 Pit. 3. 4. Pil. 3. 3. Kol. 2. 11. jap. 7. 6.
1 Kor. 4. 5. 2 Kor. 10. 18. 1 Tes. 2. 4.

JAPTER 3.

INEM ta men in koutiej an dri
Ju? ak ta an mijmij kakajuror?

2 Elap ilo men otemjej: mokta

kin men in, bwe ar lelok ñôn ir nan ko an Anij.

Dut. 4. 7, 8. Sam 147. 19, 20. Jap. 2. 18. & 9. 4.

3 Bwe ekijkan elañe jet r'ar jab tōmak? air jab tōmak e naj kajitokjen tiljek an Anij ke?

Jap. 10. 18. Hib. 4. 2. Bwin. 23. 19. Jap. 9. 6. & 11. 29. 2 Tim. 2. 13.

4 En jab eñin: aet, Anij en mol, a armij otemjej dri riōp; einwōt emwij je, Bwe Kwon wānik ilo nan ko Am, im anjo ilo air ekajet Yuk. Job 40. 8. Jon 3. 33. Sam 51. 4. & 62. 9. & 116. 11.

5 A elañe ar nana ej nebar wānik an Anij, ta eo je naj ba? Anij e jab wānik Eo ej kaiñtan ke? (Ij konono einwōt armij.)

Jap. 6. 19. Gal. 3. 15.

6 En jab eñin: bwe elañe ein drein, ekijkan Anij e naj ekajet lōl?

Jen. 18. 25. Job 8. 3. & 34. 17.

7 A elañe kin aō riōp mol an Anij ej lōñlok ñôn An aibujuij, etke kiō bareinwōt ekajet iō einwōt dri jerawiwi?

8 Im etke jab (einwōt rej riōp im konono nae kij, im einwōt jet rej kennan bwe jej ba,) Jen kōmōn-mōn nana, bwe en walok emōn? im liakelok ir e wānik.

Jap. 6. 1. 15.

9 Inem ta? kij emōn jen ir ke? Jab, ñôn jirik: bwe kim ar kinaklok mokta dri Ju im dri Grik, bwe ir otemjej rej iomin jerawiwi;

Jap. 1. 18-32. & 2. 1-29. Gal. 3. 22.

10 Einwōt emwij je, Ejelok dru wānik, ejelok juōn;

Sam 14. 1-3. & 53. 1.

11 Ejelok juōn e jela, ejelok juōn ej kabukot Anij.

12 Ir otemjej r'ar jeōr, rej jimor jítokjeir, ejelok en ej kōmōn emōn, aet, ejelok juōn.

13 Burueir lūp eo walōñi, kin loir r'ar mon, uno kōnmij an asp ko ej ilo tieir:

Sam 5. 9. & 140. 3.

14 Loñir eobrōk kin kanōjniñ im meo:

Sam 10. 7.

15 Neir remōkōj kin katorlok bō-tōktōk;

Pro. 1. 16. Isa. 59. 7, 8.

16 Kōkkure im iñtan ilo ial ko air;

17 Im ial in ainemōn r'ar jaje kake:

18 Ejelok mijōk Anij iman mejeir.

Sam 36. 1.

19 Kiō je jela bwe jabrewōt men ko kien e ba, e ba ñôn ro rej iomin kien; bwe en kil loñir otemjej, im Anij en ekajete aolepen lōl:

Jon 10. 34. & 15. 25. Job 5. 16. Ezek. 16. 63. Jap. 1. 20. & 2. 1. 12.

20 Bwe ejelok kōniek e naj wānik iman mejen kin jermal ko an kien: bwe je jela jerawiwi kin kien.

Sam 143. 2. Gal. 2. 16. & 3. 11. Ep. 2. 9. Tait. 3. 5. Jap. 7. 7.

21 A kiō juōn wānik an Anij emwij kwalok e im jibil jen kien, kien eo im dri kanan rej kennan kake;

Jap. 1. 17. Pil. 3. 9. Jon 5. 46. Jerb. 26. 22. Jap. 1. 2.

22 Aet, wānik an Anij, eo kin tōmak Jisōs Kraist ñôn ro otemjej rej liki E; bwe ejelok likiklok;

Jap. 4. Jap. 10. 12. Kol. 3. 11.

23 Bwe otemjej r'ar jerawiwi, im rej likjōp jen aibujuij an Anij;

24 Kowānik ir, im ejelok wōnan, ilo An joiñ, kin men in wiaik eo ej ilo Kraist Jisōs:

Jap. 4. 16. Ep. 2. 8. Tait. 3. 7. Ep. 1. 7. Kol. 1. 14. Hib. 9. 12. 1 Pit. 1. 18, 19.

25 Eo Anij e ar kwalok E bwe En ken mirik, kin tōmak, ilo bōtōktōkin, bwe En bakajen An wānik kin An kijone jerawiwi ko lok, ilo meanwōr an Anij.

Leval 16. 15. 1 Jon 2. 2. & 4. 10. Kol. 1. 20. Jerb. 17. 30. Hib. 9. 15.

26 Aet, bwe En bakajen An wānik ilo ien in: bwe En wānik, im Dri kowānik eo ej liki Jisōs.

27 Inem ewi likimjāje? Emwij kadrioiñlok e. Kin kien ot? kien jermal ko ke? Jab: a kin kien tōmak.

Jap. 2. 17. & 4. 2.

28 Inem jej lemnok bwe kowānik

armij kin tōmak, e jibil jen jerbal ko an kien.

Jerb. 13. 38, 39. jap. 8. 3.

29 Ak Anij e Anij an ro dri Ju wōt ke? E jab bareinwōt an ro dri ailiñ ko ke? Aet, bareinwōt an ro dri ailiñ ko:

30 Elañe Anij e juōn wōt, im E naj kowānik dri mijmij kin tōmak, im dri jab mijmij kin tōmak.

jap. 10. 12. Gal. 3. 8.

31 Inem kim kajitokjen kien kin tōmak ke? En jab eñin: a kim kabin kien.

JAPTER 4.

INEM ta je naj ba Ebream jimar e ar loe ekar ñōn kōniek?

jap. 51. 2. Mat. 3. 9.

2 Bwe elañe Ebream e ar wānik kin jerbal ko an, eor likimjāje iben; a jab iman mejen Anij.

jap. 3. 27, 28.

3 Bwe ta an Jeje ko ba? Im Ebream e ar tōmak Anij, im ar watōk men in ñōn e einwōt wānik.

Jen. 15. 6. Gal. 3. 6.

4 A ñōn eo ej jerbal, re jab watōk wōnan kin joi j a kin muri.

jap. 11. 6.

5 A ñōn eo e jab jerbal, a ej liki Eo ej kowānik dri jerawiwi, watōk an tōmak einwōt wānik.

Jos. 24. 2.

6 Im einwōt Devid ej ba kin mōnōn au 'armij, eo Anij ej watōk ñōn e wānik e jibil jen jerbal ko,

7 Emōnōnō ro jerawiwi ko air re joko, im bwir ko air re libubu.

Sam 32. 1, 2.

8 Emōnōnō armij eo Iroj e jamin watōk jerawiwi ñōn e.

9 Inem mōnōnō in ion dri mijmij ke, ak bareinwōt ion dri jab mijmij? bwe jej ba, emwij watōk an tōmak ñōn Ebream einwōt wānik.

10 Inem ekijkan ar watōk e? ke ej ber ilo mijmij ke, ak ilo jab mijmij? Jab ilo mijmij, a ilo jab mijmij:

11 Im e ar bōk mijmij juōn kakōlle, sil an wānik in tōmak, eo e ar iben ilo jab mijmij: bwe eu je-

198

men ro otemjej rej tōmak, re jab mijmij, bwe wānik en men in watōk ñōn ir;

Jen. 17. 10. Luk 19. 9. Gal. 3. 7.

12 Im jemen mijmij ñōn ro re mijmij im bareinwōt anōklok tōmak an jimar Ebream, eo iben ke e jañin mijmij.

13 Bwe e jab kin kien kalimur ñōn Ebream ak ñōn inen bwe e naj jolit lōl, a kin wānik in tōmak.

Jen. 17. 4-6. Gal. 3. 29.

14 Bwe elañe ir jen kien rej dri jolit, tōmak e joko, im kalimur eo e jitokjen:

Gal. 3. 18.

15 Bwe kien ej jerbale illu; a ijo ejelok kien, bareinwōt ejelok kokkure kien.

jap. 5. 13, 20. & 7. 8, 10. 1 Kor. 15. 56. 2 Kor. 3. 7, 9. Gal. 3. 10. 1 Jon 3. 4.

16 Kin men in e jen tōmak, bwe en ekar ñōn joi j; bwe kalimur eo en bin ñōn ine otemjej; jab ñōn eo jen kien wōt, a bareinwōt ñōn eo jen tōmak an Ebream, eo jimar otemjej,

jap. 3. 24. Gal. 3. 22. Isa. 51. 2. jap. 9. 8.

17 (Einwōt emwij je, I ar kōmōn yuk jemen elōñ dri ailiñ ko) iman mejen Eo, ej liki E, aet Anij eo Ej kemour ro remij, im naetan men ko re jab ber, einwōt elañe rej ber.

Jen. 17. 5. jap. 9. 26. 1 Kor. 1. 28.

18 Eo ke ejoko unin kejatrikrik ej tōmak ilo kejatrikrik, bwe en jemen elōñ dri ailiñ, ekar ñōn nan eo emwij konono kake, E naj ein drein ro ineōm.

Jen. 15. 5.

19 Im e jab mōjinolok ilo tōmak, ke ej lemnok kin an mij enbwuiin (ke enañin jibuki yiō'n an ridto,) im kin an mij loijen Sera:

Jen. 17. 17. & 18. 11. Hib. 11. 12.

20 Aet, ke ej reilok ñōn kalimur an Anij e ar jab berre kin jab tōmak, a e kajurlok kin tōmak, im lelok aibujuij ñōn Anij;

21 Im e kanuij jela, bwe men eo E ar kalimur kake, Ej bareinwōt maroñ in kōmōne.

Sam 115. 3. Luk 1. 37, 45. Hib. 11. 19.

22 Kin men in bareinwöt emwij watök e ñön e einwöt wānik.

23 Kiö ar jab je men in kin e wöt, bwe emwij watök e ñön e;

jap. 15. 4. 1 Kor. 10. 6, 11.

24 A bareinwöt kin kij, kijeo naj watök e ñön kij, elañe jej liki Eo e ar kejerakkbiji Jisös ar Iroi jen ro remij,

Jerb. 2. 24. & 13. 30.

25 Eo emwij ketök E kin bwir ko ar, im E ar jerkakkbiji kin kowānik kij.

Isa. 53. 5, 6. jap. 3. 25. & 5. 6. & 8. 32. 2 Kor. 5. 21. Gal. 1. 4. 1 Pit. 2. 24. & 3. 15. 1 Kor. 15. 17. 1 Pit. 1. 21.

JAPTER 5.

INEM bwe emwij kowānik kij kin tōmak, eor ainemōn iber ñön Anij kin ar Iroi Jisös Kraist;

Isa. 32. 17. jap. 3. 28, 30. Ep. 2. 14.

2 Kin E bar einwöt j'ar bök ar dreloñ kin tōmak ilo joij in ijo jej jutök ie, im jej lõñliñ ilo kejatrikrik kij kin aibujuj an Anij.

Ep. 2. 18. Hib. 10. 19. 1 Kor. 15. 1. Hib. 3. 6.

3 Im jab eñin wöt, a bareinwöt jej lõñliñ ilo iñtan ko ar: im je jela bwe iñtan ej jerbale kijenmij;

Mat. 5. 12. 1 Pit. 3. 14. Jem. 1. 3.

4 Im kijenmij melejoñ; im melejoñ kejatrikrik;

5 Im kejatrikrik e jab kajok; bwe emwij lutök yokwe an Anij ilo buruer kin Jitöb Kwojarjar, Eo ar letok ñön kij.

Pil. 1. 20. Gal. 4. 6.

6 Bwe ke j'ar mõjino, ilo ien ekar, Kraist e ar mij kin ro renana.

jap. 4. 25.

7 Bwe e nañin jelok armij en mij kin eo ewānik: a kin armij eo emōn mwiliu bwelen juōn e beran in mij.

8 A Anij ej kwalok karkarin An yokwe ñön kij, ilo men in, ke j'ar dri jerawiwi, Kraist e ar mij kin kij.

Jon 15. 13. 1 Pit. 3. 18. 1 Jon 3. 16.

9 Inem en laplok, ien in ke emwij kowānik kij ilo bōtōktōkin, naj lomoren kij jen illu kin E.

jap. 3. 25. Hib. 9. 14. jap. 1. 18. 1 Tes. 1. 10.

10 Bwe elañe, ke j'ar dri kijirāt, mij an Nejñ e ar kilajrök ñön kij im Anij; en laplok, ke emwij kilajrök, naj lomoren kij ilo An mour.

jap. 8. 32. 2 Kor. 5. 18, 19. Ep. 2. 16. Kol. 1. 20, 21. Jon 5. 26. & 14. 19.

11 Im jab men in wöt, a jej bareinwöt lõñliñ ilo Anij kin ar Iroi Jisös Kraist, kin Eo kiö j'ar bök kilajrök.

Gal. 4. 9.

12 Kin men in, einwöt kin juōn armij, jerawiwi ej dreloñ ilo lõl, im mij kin jerawiwi; im ein drein mij e ar itok ion armij otemjej, bwe ir otemjej r'ar jerawiwi:

Jen. 3. 6. 1 Kor. 15. 21. Jen. 2. 17. jap. 6. 23.

13 Bwe jerawiwi e ar ber ilo lõl ñön ien kien: a jab watök jerawiwi ijo ejelok kien.

jap. 4. 15. 1 Jon 3. 4.

14 A mij e ar iroi jen Adam ñön Moses, aet ion ro r'ar jab jerawiwi einwöt wāwen jerawiwi an Adam, eo kaköllen Eo e naj itok.

1 Kor. 15. 21, 22, 45.

15 A jab einwöt buñ, im bar einwöt men in joij. Bwe elañe kin buñ an juōn, elōñ r'ar mij, elaplok an joij an Anij, im men in letok ilo joij, kin juōn armij, Jisös Kraist, orlok ñön elōñ.

Isa. 53. 11.

16 Im jab einwöt kin juōn dri jerawiwi, ein drein men in letok: bwe ekajet eo e ar itok kin juōn ñön liakelok, a men in joij e ar itok kin elōñ men in buñ ñön kowānik.

17 Bwe elañe, kin buñ an juōn, mij e ar iroi kin juōn; elaplok an ro rej bök loköt in men in joij im men in letok in wānik, re naj iroi ilo mour kin juōn, Jisös Kraist.

18 Inem, einwöt kin juōn buñ, ekajet ej itok ñön armij otemjelok ñön liakelok; bareinwöt kin juōn kōmōn in wānik, men in joij e ar itok ñön armij otemjelok ñön kowānik in mour.

Jon 12. 32. Hib. 2. 9.

19 Bwe einwöt kin kibliā an juōn armij, elōñ rej dri jerawiwi, barein-

wõt kin kible an juõn elõñ re naj dru wānik.

20 A kien e ar koba im dreloñ bwe buñ en orlok. A ijo jerawiwi e ar orlok, e kanuij lap an joi orlok ie: jap. 3. 20. & 4. 15. Gal. 3. 19, 23. 1 Tim. 1. 14.

21 Bwe, einwõt jerawiwi e ar iroi ilo mij, ein drein joi en iroi kin wānik ñõn mour in drio, kin Jisõs Kraist ar Iroi.

JAPTER 6.

INEM ta je naj ba? Jen ber ilo jerawiwi ke, bwe joi en orlok?

jap. 3. 8.

2 En jab eñin. Kij j'ar mij ñõn jerawiwi, ekijkan ar naj bar mour ilo e?

jap. 7. 4. Gal. 2. 19. Kol. 3. 3. 1 Pit. 2. 24.

3 Ak kom jaje ke, bwe jabrewõt ro iar, j'ar baptais ilo Kraist Jisõs, j'ar baptais ilo An mij?

Gal. 3. 27. 1 Kor. 15. 29.

4 Bwe emwij kalibwin kij iben kin baptais ilo mij: bwe einwõt ar kejerkakbiji Kraist jen ro remij kin aibujui an Jemen, bareinwõt kij jen etal ilo mour ekal.

Kol. 2. 12. jap. 3. 11. Jon 11. 40. Gal. 6. 15. Ep. 4. 22, 23, 24. Kol. 3. 10.

5 Bwe elañe emwij kobaik kij iben ilo wāwen mij eo An, je naj bareinwõt ilo wāwen An jerkakbiji;

Pil. 3. 10, 11.

6 Im je jela men in, bwe emwij drebail ar armij emor iben, bwe en joko enbwinin jerawiwi, bwe tokelik jen jab korijer ñõn jerawiwi;

Gal. 2. 20. & 5. 24. & 6. 14. Ep. 4. 22. Kol. 3. 9. & 2. 11.

7 Bwe eo e ar mij emwij kowānik e jen jerawiwi.

1 Pit. 4. 1.

8 A elañe j'ar mij iben Kraist, jej tõmak bwe je naj bareinwõt mour iben;

2 Tim. 2. 11.

9 Ke je jela bwe Kraist eo Ej jerkakbiji jen ro remij, E jamin bar mij; mij e jamin bar iroi ion.

Rev. 1. 18.

10 Bwe kin An mij, E ar mij kin jerawiwi juõn ien: a kin An mour, Ej mour ñõn Anij.

Hib. 9. 27, 28. Luk 20. 38.

11 Im ein drein, komin watõk kom remij ñõn jerawiwi, a remour ñõn Anij ilo Kraist Jisõs.

Gal. 2. 19.

12 Inem jerawiwi en jab iroi ilo enbwinemi rej drien mij, bwe komin bokake mõm ko an:

Sam 19. 13. & 119. 133.

13 Im komin jab lelok rami ñõn jerawiwi, einwõt ken kõmõnmõn nana; a komin lelok kom ñõn Anij, einwõt ro remour jen ro remij, im rami einwõt ken kõmõnmõn wānik ñõn Anij.

jap. 7. 5. Kol. 3. 5. Jem. 4. 1. jap. 12. 1. 1 Pit. 4. 2.

14 Bwe jerawiwi e jamin iroi iomi: bwe kom jab iomin kien, a iomin joi.

Gal. 5. 18.

15 Inem ekijkan? jen jerawiwi ke, bwe je jab ber iomin kien a iomin joi? En jab eñin.

1 Kor. 9. 21.

16 Kom jab jela ke, bwe ñõn eo komij lelok kom korijeran bwe komin bokake, kom korijeran eo komij bokake; elak an jerawiwi ñõn mij, ak an bokake ñõn wānik?

Mat. 6. 24. Jon 8. 34.

17 A kamolol Anij, bwe komeo dri korijeran jerawiwi mokta, kom ar bokake jen buruemi wāwen kat tak eo emwij lelok kom ñõn e;

2 Tim. 1. 13.

18 Im ke anemkwojami jen jerawiwi, kom ro korijeran wānik.

Jon 8. 32. 1 Kor. 7. 22. 1 Pit. 2. 16.

19 Ij konono einwõt armij kin an mõjino kõniekemi: bwe einwõt kom ar lelok rami korijeran etton im jerawiwi ñõn jerawiwi, ein drein kiõ komin lelok rami korijerau wānik ñõn kwojarjar.

20 Bwe ke kom ar korijeran jerawiwi, kom ar anemkwojami jen wānik.

Jon 8. 34.

21 Inem leen õt kom ar bõki ien eo jen men ko komij jok kaki kiõ? bwe jemlokõn men ko, mij.

jap. 7. 5. jap. 1. 32.

22 A kiõ ke anemkwojami jen jerawiwi, im kom korijerau Anij,

komij bök leemi ñön kwojarjar, im jemlokön, mour in drio.

Jon 8. 32.

23 Bwe wönan jerawiwi, mij; a men in joij an Anij, mour in drio ilo Kraist Jisös ar Iroj.

jap. 5. 12. Jem. 1. 15. jap. 2. 7. 1 Pit. 1. 4.

JAPTER 7.

KOM jaje ke, ro jeiö im jätiö (bwe ij konono ñön ro re jela kien,) bwe kien ej iroj ion armij toön an mour?

2 Bwe köra eo ebelele, kien ej liabe ñön leo belen ke leo ej mour; a elafie leo emij, e mejöl jen kien leo belen.

1 Kor. 7. 30.

3 Inem ien leo ej mour, elafie lio ej belek bar juön, re naj likit e dri lüñ: a elafie emij leo, lio ej anem-kwojan jen kien eo, inem lio e jamin dri lüñ elafie ej belek bar juön.

Mat. 5. 32.

4 Ein drein, ro jeiö im jätiö, kom bareinwöt kom ar mij in kien kin enbwünin Kraist, bwe komin belek bar juön, aet, Eo ej jerkakbiji jen ro remij, bwe jen jebar leen ñön Anij.

jap. 8. 2. Gal. 5. 18. Ep. 2. 15. Kol. 2. 14. Gal. 5. 22.

5 Bwe ke j'ar ber ilo köniek, jurmelea an jerawiwi ko, re walok kin kien, r'ar jerbal ilo rar in jebar leen ñön mij.

jap. 6. 13. 21. Gal. 5. 19. Jem. 1. 15. jap. 6. 2.

6 A kiö emwij kötlök kij jen kien, bwe j'ar mij jen men eo e kar drebij kij: inem jej jerbal ilo men eo ekäl an Jitöb, im jab ilo men eo emor an letter.

jap. 2. 20. 2 Kor. 3. 6.

7 Inem ta je naj ba? Kien e jerawiwi ke? En jab eñin. A I jamin kar jela jerawiwi, elafie jab kin kien: bwe I jamin kar jela ankwö-nak, elafie kien e ar jab ba, Kwon jab ankwönak.

jap. 3. 20. Eks. 20. 17. Dut. 5. 21. Jerb. 20. 33. jap. 13. 9.

8 A jerawiwi, ke ej lo ien ekar, kin nan in kaiñi, e ar kömön ilo ña

[Marshall Islands.] 7T*

ankwönak otemjej: bwe, ñe jibil jen kien, jerawiwi emij.

jap. 4. 15. & 5. 20. 1 Kor. 15. 56.

9 Bwe juön ien I ar mour jibil jen kien: a ke nan in kaiñi e ar itok, jerawiwi e ar mour, a ña I ar mij.

10 Im nan in kaiñi, men eo ñön mour, eñin I ar loe ñön mij.

Levai 18. 5. Ezek. 20. 11. 2 Kor. 3. 7.

11 Bwe jerawiwi, ke ej lo ien ekar, kin nan in kaiñi e ar mone iö, im e ar mön iö kake.

12 Inem kien e kwojarjar im nan in kaiñi e kwojarjar, im wänik, im emön.

Sam 19. 8. & 119. 137.

13 Inem men eo emön e ar kömön mij ñön iö ke? En jab eñin. A jerawiwi, bwe en walok jerawiwi, kin an kömön mij ilo ña kin men eo emön; bwe jerawiwi, kin nan in kaiñi, en kanuij jerawiwi.

14 Bwe je jela bwe kien e men in Jitöb: a ña ij köniek wöt, emwij wiakake iö iomin jerawiwi.

1 Kin 21. 20. 2 Kin 17. 17.

15 Bwe men eo ij kömönmen I jaje kake: bwe jab men eo I könan, men in ij kömön; a men eo ij kiji-äte, men in ij kömöne.

Gal. 5. 17.

16 A elafie men eo I jab könan, men in ij kömöne, ij bök ñön kieu bwe ej emön.

17 Inem kiö e jab ña ij kömön, a jerawiwi eo ej jokwe ilo ña.

18 Bwe I jela bwe ilo ña, ilo köniekiö, emön e jab jokwe: bwe könan ej ber iba, a in kömön men eo emön e jab ber iba.

Jen. 6. 5.

19 Bwe men eo emön I könan, I jab kömöne: a nana eo I jab könan, eñin ij kömöne.

20 A elafie ij kömön men eo I jab könan, e jab ña ij kömöne, a jerawiwi eo ej jokwe ilo ña.

21 Inem ij lo kien, bwe nana ej ber iba, ña I könan kömön emön.

22 Bwe ij löñliñ ilo kien Anij ekar ñön armij eo iloan:

Sam 1. 2. 2 Kor. 4. 16. Ep. 3. 16.

23 A ij lo bar juön kien ilo raö, ej

201

törinaek kien ađ lolätät, im kaji-bokweik iđ ñön kien jerawiwi eo ej ber ilo rađ.

Gal. 5. 17. jap. 6. 13.

24 O ña armij iñtan! wön e naj kötlok iđ jen enbwinin mij in?

25 Ij kamolol Anij kin Jisös Kraist ar Iroi. Inem ña ilo lolätät ij jerbal ñön kien Anij; a ilo könlek ñön kien jerawiwi.

1 Kor. 15. 57.

JAPTER 8.

INEM kiđ ejelok liakelok ñön ro rej ber ilo Kraist Jisös.

Gal. 5. 16, 25.

2 Bwe kien Jitöb öñ mour ilo Kraist Jisös e ar kötlok iđ jen kien jerawiwi im mij.

1 Kor. 15. 45. 2 Kor. 3. 6. jap. 7. 24, 25.

3 Bwe men eo kien e jab maroñ in kōmōne, bwe e mōjino kin kōniek, Anij, ke E ar jilkintok Nejin ilo wāwen kōniek e jerawiwi im kin jerawiwi, E ar liakelok jerawiwi ilo kōniek:

Jerb. 13. 39. jap. 3. 20. Hib. 7. 19. & 10. 1, 2, 10, 14. 2 Kor. 5. 21.

4 Bwe nan ko ilo kien ren jejit ilo kijeo je jab etetal ekar ñön kōniek, a ekar ñön Jitöb.

5 Bwe ro rej ekar ñön kōniek rej lemnok men ko an kōniek; a ro rej ekar ñön Jitöb men ko an Jitöb.

Jon 3. 6. 1 Kor. 2. 14. Gal. 5. 22, 25.

6 Bwe lemuok an kōniek mij; a lemnok an Jitöb mour im ainemōn:

jap. 6. 21. Gal. 6. 8.

7 Bwe lemnok an kōniek ej kiji-räte Anij; bwe e jab bokake kien Anij, im e jab maroñ kake:

Jem. 4. 4. 1 Kor. 2. 14.

8 Im ro rej ber ilo kōniek re jab naroñ in kabuñburuen Anij.

9 A kom jab ilo kōniek, a ilo Jitöb, elañe emol Jitöb an Anij ej jokwe ilo kom. A elañe Jitöb öñ Kraist e jab iben jabrewöt armij, e in e jab dron.

1 Kor. 3. 16, & 6. 19. Jon 3. 34. Gal. 4. 6. Pil. 1. 19. 1 Pit. 1. 11.

10 Im elañe Kraist ej ber ilo kom, enbwinemi e mij jen jerawiwi; a ami ej mour ñön wānik.

202

11 Im elañe Jitöb öñ Eo e ar ke-jerkakbiji Jisös jen ro remij, Ej jokwe ilo kom, Eo e ar ke-jerkakbiji Kraist Jisös jen ro remij E naj bareinwöt kemour ami enbwinin mij kin Jitöb eo An Ej jokwe ilo kom.

Jerb. 2. 24. jap. 6. 4, 5. Ep. 2. 5.

12 Inem, ro jejö im jätö, kij dri muri, jab ñön kōniek, bwe jen mour ekar ñön kōniek:

jap. 6. 7, 14.

13 Bwe elañe komij mour ekar ñön kōniek kom naj mij; a elañe kom kajeeklok jerbal ko an enbwinemi kin Jitöb, kom naj mour.

Gal. 6. 8. Ep. 4. 22. Kol. 3. 5.

14 Bwe ro otemjej Jitöb öñ Anij ej tel ir, ir ro nejin Anij.

Gal. 5. 18.

15 Bwe kom ar jab bök jitöb öñ kamokoko ñön lelñöñ; a kom ar bök Jitöb öñ kōnilujen, ilo Eo jej kir, Abba, jema.

1 Kor. 2. 12. Hib. 2. 15. 2 Tim. 1. 7. 1 Jon 4. 18. Isa. 56. 5. Gal. 4. 6. Mark 14. 36.

16 Jitöb Ej möke kennan ñön ar, bwe kij ro nejin Anij:

2 Kor. 1. 22. Ep. 1. 13.

17 Im elañe ro nejin, inem dri jolit; dri jolit an Anij, im dri jolit iben Kraist; elañe jej iñtan iben, bwe jen bareinwöt aibujuij iben.

Gal. 4. 7. Jerb. 14. 22. Pil. 1. 29.

18 Bwe ij watök iñtan ko ilo ien in jekron ñe keire iben aibujuij eo e naj walok ñön kij.

2 Kor. 4. 17. 1 Pit. 1. 7. & 4. 13.

19 Bwe kiljake elap an men in kōmōn ej kōtar kwalok ro nejin Anij.

2 Pit. 3. 13. 1 Jon 3. 2.

20 Bwe emwij kōtaik men in kōmōn ñön jekron, jab ilo an bebe, a kin Eo ej kōtaik e, ilo ke-jatrikrik.

Jen. 3. 19.

21 Bwe bareinwöt men in kōmōn e naj mejöl jen kamokoko an wabōnbōn, ñön iloan anemkwojan in aibujuij an ro nejin Anij.

22 Bwe je jela bwe aolepen men in kōmōn e mat im ñör, im mat im iñtan ñön ien in.

Mark 16. 15. Jer. 12. 11.

23 A jab e wöt, a kij bareinwöt,

jomököj in leen Jitöb iber, aet kij
 jej ñör ilo ar, im kötar kōnilujen
 eo, eñin binmour ñōn enbwiner.

2 Kor. 5. 2, 4, 5. Luk 20. 38. & 21. 28.

24 Bwe emwij lomoren kij ilo ke-
 jatrikrik: a kejatrikrik eo jej loe e
 jab kejatrikrik: bwe wōn ej keja-
 trikrik e kin men eo ej lo wōt?

Hib. 11. 1.

25 A elañe jej kejatrikrik kij kin
 men eo je jab loe, inem jej kijenmij
 im kōtare.

26 Im ein drein bareinwōt Jitöb
 ej jibōñ ar möjino: bwe je jaje
 ekijkan emōn jen jar; a Jitöb ej
 akwelap kin kij ilo ñör ko, je ban
 konono kaki:

Mat. 20. 22. Jem. 4. 3. Zek. 12. 10. Ep. 6. 18.

27 Im Eo ej bukot buru ko E jela
 lemnok an Jitöb, bwe Ej akwelap
 kin ro remōn ekar ñōn ankil an
 Anij.

1 Kron. 28. 9. Jerb. 1. 24. 1 Tes. 2. 4. Jerb.
 2. 23. 1 Jon 5. 14.

28 Im je jela bwe men otemjej rej
 jimor jerbale emōn ñōn ro rej yo-
 kwe Anij, ñōn ro E ar kir ir ekar
 ñōn An bebe.

Jap. 9. 11. 2 Tim. 1. 9.

29 Bwe ro E ar jela ir mokta, bar-
 einwōt E ar likit ir mokta bwe ren
 einlok wōt wāwen Nejin, bwe En
 manje ian elōñ ro jätin:

Jap. 11. 2. 2 Tim. 2. 19. 1 Pit. 1. 2. Ep. 1. 5, 11.
 Jon 17. 22. 2 Kor. 3. 18. Pil. 3. 21. 1 Jon
 8. 2. Kol. 1. 15, 18. Hib. 1. 6. Rev. 1. 5.

30 Im ro emwij An likit ir mokta,
 E ar bareinwōt kir ir: im ro E ar
 kir ir, E ar bareinwōt kowānik ir:
 im ro E ar kowānik ir, E ar bar-
 einwōt kaibujuij ir.

Jap. 9. 24. Ep. 4. 4. Hib. 9. 15. 1 Pit. 2. 9.
 1 Kor. 6. 11. Jon 17. 22. Ep. 2. 6.

31 Inem ta je naj ba ñōn men
 kein? Elañe Anij ej ber iber, wōn
 ej jumae kij?

Bwin. 14. 9. Sam 118. 6.

32 Eoe ar jab drebij Nejin wōt jen
 iñtan, a E ar ketök E kin kij otem-
 jej, ekijkan, E jamin bareinwōt wuj-
 leptok men otemjej iben ñōn kij ke?

Jap. 4. 25. & 5. 6, 10.

33 Wōn e naj kinaklok ro Anij e
 ar kålet ir? Anijen Ej kowānik ir.

Isa. 50. 8, 9. Rev. 12. 10, 11.

34 Wōn eo ej liakelok? Kraist
 Jisōs Eo e ar mij, aet, emōnlok ba,
 Eo e ar jerkakbiji jen ro remij, im
 Eo ej ber i anbijmaroñōn Anij, im
 Eo ej bareinwōt akwelap kin kij.

Job 34. 29. Mark 16. 19. Hib. 7. 25. & 9. 24.
 1 Jon 2. 1.

35 Wōn e naj kijbil kij jen yokwe
 an Kraist? e naj jorraun ke, ak iñ-
 tan, ak matörtör, ak ñitta, ak kel-
 wan, ak uōta, ak jāji?

36 Einwōt emwij jeje, Kin Kwe
 rej mōn kim ran eyu; r'ar watök
 kim einwōt šip ñōn mij.

Sam 44. 22. 1 Kor. 15. 31. 2 Kor. 4. 11.

37 Jab, ilo men kein otemjej elap
 ar anjo kin Eo e ar yokwe kij.

1 Kor. 15. 57. 2 Kor. 2. 14. 1 Jon 4. 4. & 5. 4, 5.

38 Bwe ij lemnok e jab mij ak
 mour, e jab enjel rōn ak jiōb ro, e
 jab men ko kiō ak men ko re naj
 itok, e jab kajur ko,

Ep. 1. 21. & 6. 12. Kol. 1. 16. & 2. 15. 1 Pit. 3. 22.

39 E jab utiej ak imlōl, ak jabre-
 wōt bar juōn men in kōmōn, e naj
 maroñ in kijbil kij jen yokwe an
 Anij, eo ilo Kraist Jisōs ar Iroj.

JAPTER 9.

IJ konono mol ilo Kraist, I jab
 riōp, aō bōkliköt ej bareinwōt
 dri kennan iba ilo Jitöb Kwojarjar,
 Jap. 1. 9. 2 Kor. 11. 31. & 12. 19. Gal. 1. 20.

1 Tim. 2. 7.

2 Bwe elap aō buromōj im e jab
 jokwör metök ilo buruō.

Jap. 10. 1.

3 Bwe ij maroñ in kōnan bwe ña
 in joko jen Kraist kin ro jeļō im
 jätio, ro bwijiō kin kōniek:

Eks. 32. 32.

4 Ro dri Israel; air kōnilujen eo,
 im aibujuij, im bujen ko, im letok
 kien, im jerbak in kabuñ, im kali-
 mur ko;

Eks. 4. 22. Dut. 7. 6. & 14. 1. 1 Samuel 4. 21.
 1 Kin 8. 11. Sam 63. 2. Jerb. 3. 25. & 13. 22.

Hib. 8. 8-10. & 9. 1. Ep. 2. 12.

5 Ro jimam jimair, im jen ir
 Kraist ekar ñōn kōniek, Eo ej ion
 otemjej, Anij emōñōñō in drio.
 Amen.

Dut. 10. 15. Jap. 11. 28. Luk 3. 23. Jap. 1. 3.
 Jer. 23. 6. 1 Jon 5. 20.

6 Ijoke e jab einwōt bwe nan in

Anij ejelok tokjen. Bwe re jab otemjej jen Israel, ro dri Israel: jap. 3. 3. Jon 8. 39. jap. 2. 23, 29. & 4. 12. Gal. 6. 16.

7 Im kin air inen Ebream, re jab otemjej nejn: a Ilo Aisak ro ineom naj naetair.

Gal. 4. 23. Jen. 21. 12. Hib. 11. 18.

8 Einwöt men in, Ro nejlu kōniek wöt, re jab nejn Anij; a ro nejn kallimur naj watök ir inen.

Gal. 4. 23.

9 Bwe eñin nan in kalimur, Ilo ien in I naj itok, im Sera e naj neje man.

Jen. 18. 10, 14.

10 Im jab eñin wöt; a bareinwöt ke Rebeka e ar bōroro kin juōn, e jimar Aisak,

Jen. 25. 21.

11 Bwe mokta jen air lotak, ak kōmōn jabrewöt emōn ak nana, bwe bebe an Anij ekar ñōn kālet en ber, jab kin jeral ko, a kin Eo ej kir,

jap. 4. 17. & 8. 28.

12 Ar ba ñōn e, Elip e naj jeral ñōn eo erik.

Jen. 25. 23.

13 Einwöt emwij je, I ar yokwe Jekōb, a Iso I ar drike.

Dut. 21. 15. Mal. 1. 2, 3. Luk 14. 28.

14 Inem ta je naj ba? Eor jab wānik iben Anij ke? En jab eñin.

Job 34. 10.

15 Bwe Ej ba ñōn Moses, I naj tiriamokake eo Ij tiriamokake, im I naj keni eo Ij keni.

Eks. 33. 19.

16 Inem e jab an eo e kōnan, ak an eo ej etōr, a an Anij eo Ej tiriamokake.

17 Bwe Jeje eo e ba ñōn Pero, Aet, kin men in I ar koutiej yuk, bwe In kwalok Aō kajur ilo kwe, im bwe eta en buñbuñ i aolopen lōl.

Gal. 3. 8. Eks. 9. 16.

18 Inem Ej tiriamokake eo E kōnan, a eo E kōnan Ej kabin e.

19 Inem, kwo naj ba ñōn iō, Etke Ej wanōketak? Bwe wōn eo ej jumae ankil An?

2 Kron. 20. 6. Job 9. 12. & 23. 13. Dan. 4. 35.

20 Jab, O armij, a wōn kwe kwoj uak jumae Anij? Ta, men in kō-

204

mōn en ba ke ñōn eo e ar kōmōn e, Etke kw'ar kōmōn iō im einwöt?

Job 33. 13. Isa. 29. 16. & 45. 9. & 64. 8.

21 Ta, dri potter e jab maroñ ke ion kle, bwe en kōmōn jen juōn wöt iōkin, juōn jābi ñōn aibujuij, im juōn ñōn wan?

Pro. 16. 4. Jer. 18. 6. 2 Tim. 2. 20.

22 A ekijkan elañe Anij, ke E kōnan kwalok An illu, im kalikar An kajur, E ar kijenmij ilo elap meanwōr kin jābi ko an illu re pojōk ñōn kokkure:

1 Tes. 5. 9. 1 Pit. 2. 8. Jud. 4.

23 Im bwe En kalikar mweien An aibujuij ilo jābi ko an tiriamo, ko E kar kapojōk ir mokta ñōn aibujuij?

jap. 2. 4. & 8. 29. Ep. 1. 7.

24 Aet, kijeo E ar bareinwöt kir kij, jab jen dri Ju wöt, a bareinwöt jen dri ailiñ ko.

jap. 3. 29.

25 Im einwöt An ba ilo Hosia, I naj naetair ro re jab droō, droō; im lio e jab jitenburu, jitenburu.

Hos. 2. 23. 1 Pit. 2. 10.

26 Im ilo jikin eo emwij ba ñōn ir, Kom jab ro droō; ijo re naj ba, ir ro nejn Anij emour.

Hos. 1. 10.

27 Im Aisaia ej lamij kin Israel, Elañe oran ro nejn Israel einwöt bok iturin lojit, mōtair re naj mour:

Isa. 10. 22, 23. jap. 11. 5.

28 Bwe Iroi e naj kōmōn An in nan ion lōl, E naj kejemlok e im kakarulok e ilo wānik.

Isa. 28. 22.

29 Im einwöt Aisaia e ar ba mokta, Elañe Iroi in Sabaot e ar jab likit ine ñōn kij, je naj kar einwöt Sodōm, im kar lamwöt Gomorra.

Isa. 1. 9. Isa. 13. 19.

30 Inem ta je naj ba? Bwe dri ailiñ ko, ro r'ar jab lor wānik, r'ar jibarek wānik, aet, wānik eo e jen tōmak.

jap. 4. 11. & 10. 20. jap. 1. 17.

31 A Israel, ke ej lor kien wānik, e ar jab tōbrōk kien eo.

jap. 10. 2. & 11. 7. Gal. 5. 4.

32 Etke? Bwe r'ar jab bukot e kin tōmak, a einwöt kin jeral ko. Bwe r'ar itak ilo lōkatip eo;

Luk 2. 34.

33 Einwöt emwij je, Lo, Ij likit ilo Zaiōn juōn lōkatip dreka, im ejman in buñ: im eo ej liki E e jamin jok.

Sam 118. 22. Isa. 8. 14. & 28. 16. 1 Pit. 2. 6-8. Jap. 10. 11.

JAPTER 10.

RO jeiō im jātīō, kōnan ilo buruō, im aō jar ñōn Anij kin ir bwe ren mour.

2 Bwe ij keunan kin ir, bwe eor kijejeto ñōn Anij ibeir, a e jab ekar ñōn jela.

Jerb. 21. 20. & 22. 3. Gal. 1. 14. & 4. 17. Jap. 9. 31.

3 Bwe kin air jaje wānik an Anij, im bukot bwe ren kabin air mōke wānik, r'ar jab kōtaik ir ñōn wānik an Anij.

Jap. 1. 17. Pil. 3. 9.

4 Bwe Kraist e jemlokōn kien ñōn wānik iben ro otemjej rej tōmak.

Mat. 5. 17.

5 Bwe Moses ej jeje kin wānik eo jen kien, im ba, Armij eo ej kōmōne e naj mour kake.

Levai 18. 5. Neh. 9. 29. Ezek. 20. 11, 13, 21. Gal. 3. 12.

6 A wānik eo jen tōmak ej konono einwōt in, Kwon jab ba ilo buruōm, Wōn e naj wōnlīflok ñōn lōñ? (einwōt bwe en añinlōltak Kraist:)

Dut. 30. 12, 13.

7 Ak, Wōn e naj wōnlōllok iloan abys eo? (einwōt bwe en añinlīflok Kraist jen ro remij.)

8 A ta ej bá? Nan eo ej ebake yuk, ilo loñim, im ilo buruōm: eñin nan in tōmak, eo kimij kwaloke.

Dut. 30. 14.

9 Bwe elañe kwo naj kwalok Iroi Jisōs ilo loñim, im tōmak ilo buruōm bwe Anij e ar kejerkakbiji E jen ro remij, kwo naj mour.

Mat. 10. 32. Luk 12. 8.

10 Bwe armij kin buruen ej tōmak ñōn wānik; im kin loñin ej kwalok ñōn mour.

11 Bwe Jeje eo ej ba, Jabrewōt eo ej liki E e jamin jok.

Isa. 28. 16.

12 Bwe ejelok ikōtan dri Ju im dri Grik: bwe juōn wōt Iroi ion

otemjej, im Emweie ñōn ro otemjej rej kir ñōn E.

Jap. 3. 22. Gal. 3. 28. Jerb. 10. 36. 1 Tim. 2. 5.

13 Bwe ro otemjej rej kir etan Iroi re naj mour.

Joel 2. 32. Jerb. 2. 21. & 9. 14.

14 Inem ekijkan air naj kir ñōn Eo r'ar jab liki E? im ekijkan air naj liki Eo r'ar jab roñ kin E? im ekijkan air naj roñ ñe ejelok dri kwalok?

Tait. 1. 3.

15 Im ekijkan air naj kwalok, elañe jab jilkinlok ir? einwōt emwij je, Enañin wōleo neen ro rej bōktok gospel in men ko remōn!

Isa. 52. 7. Nah. 1. 15.

16 A ir otemjej r'ar jab eoroñ nan ko remōn. Bwe Aisaia ej ba, Iroi, wōn e ar tōmak am kennan?

Jap. 3. 3. Isa. 53. 1. Jon 12. 38.

17 Inem tomak, kin roñjake, im roñjake kin nan in Kraist.

18 A ij ba, R'ar jab roñ ke? Aet, emol, Ainikeir ej ilok ñōn aolepen lōl, im nan ko air ñōn ijo ko jemlokōn lōl.

Sam 19. 4. Mat. 24. 14. & 28. 19. Mark 16. 15.

19 A ij ba, Israel e jab jela ke? Mokta Moses ej ba, I naj kōkātōk kom kin ro ejelok air ailiñ, in kīn ailiñ an ro dri bwebwe I naj kaillu kom.

Dut. 32. 21. Jap. 11. 11. Tait. 3. 3.

20 Aisaia, elap an beran im ba, Ro r'ar jab bukot Iō, r'ar lo Iō; I ar weaklok ñōn ro r'ar jab kajitōk iba.

Isa. 65. 1. Jap. 9. 30.

21 A ñōn Israel ej ba, Iomin aolepen ran I ar erlokwe peiō ñōn armij re kiblia im rej kajirere.

Isa. 65. 2.

JAPTER 11.

INEM ij ba, Anij e ar jolok ro dron ke? En jab eñin. Bwe ña bareinwōt dri Israel, jen inen Ebream, bwijin Benjamin.

1 Samuel 12. 22. Jer. 31. 37. 2 Kor. 11. 22. Pil. 3. 5.

2 Anij e ar jab jolok ro dron, ro E ar jela ir mokta. Ak kom jab jela ke, ta an Jeje ko ba kiu Elaija?

ekijkan ej akwelap ñôn Anij nae Israel, im ba,

jap. 8. 29.

3 Iroj, r'ar mōn dri kanan ro Am, r'ar kōbijlōllok lokatok ko Am; im ña wōt ij mōke ber, im rej bukot aō mij.

1 Kin 19. 10, 14.

4 A ta uak an Anij e ba ñōn e? I ar likiti ñōn Iō jiljilimuñ tausan armij, ro r'ar jab bukwelōlō ñōn Beal.

1 Kin 19. 18.

5 Inem bareinwōt ilo ien in eor mōtair rej ber ekar ñōn kålet an joij.

jap. 9. 27.

6 A elañe kin joij, inem e jab jen jerbal ko: elañe jab einwōt, joij e jamin joij tokelik.

jap. 4. 4, 5. Gal. 5. 4. Dut. 9. 4, 5.

7 Inem ta? Israel e ar jab tōbare men eo ej bukot e; a ro kålet ir r'ar tōbare, im ro jet r'ar binlok.

jap. 9. 31. & 10. 3.

8 Einwōt emwij je, Anij e ar lelok ñōn ir jltōb in mijki, mejeir bwe ren jab lo, im lojiliñir bwe ren jab roñ, ñōn ran in.

2 Kor. 3. 14. Isa. 6. 9. & 29. 10. Mat. 13. 14.

9. Im Devid e ba, Air tebel en erom aluk, im jen, im lōkatip im nawōnan ñōn ir:

Sam 69. 22, 23.

10 Mejeir ren marok bwe ren jab lo, im ren kumliklik in drio.

11 Inem ij ba, r'ar tibñil bwe ren buñ ke? en jab eñin: a kin air bwir lomor ej itok ñōn dri ailiñ ko, bwe en kōkātōk ir.

Jerb. 23. 23. jap. 10. 19.

12 Kiō elañe air buñ e mweik an lōl, im air etā mweik an dri ailiñ ko; e jamin lap ke air obrōk?

13 A ij konono ñōn kom dri ailiñ. Inem bwe ña dri jilik ñōn dri ailiñ ko, ij kaibujuij jerbal eo aō:

Jerb. 9. 15. jap. 15. 16.

14 Elañe kin jabrewōt in kōkātōk ro kōniekiō, im lomoren jet iair.

1 Kor. 7. 16. & 9. 22. 1 Tim. 4. 16. Jem. 5. 20.

15 Bwe elañe air joko ken kilajrōk lōl, e naj einwōt ta bar bōk ir, elañe e jab mour jen ro remij?

206

16 Bwe elañe jomōkōj ekwojarjar, aolep bar einwōt: im elañe okrōn ekwojarjar, ra ko bareinwōt.

Levai 23. 10. Bwin. 15. 19, 20.

17 A elañe jet ian ra ko re bwilok, im kwe, wijki oliv eawia, emwij graft yuk iolapir, im kw'ar bōk mōtōn ibeir jen okrōn, im men in kaeo an wijki oliv;

Jer. 11. 16. Jerb. 2. 39. Ep. 2. 12, 13.

18 Kwon jab kimjāje ion ra ko. A elañe kwoj kimjāje, kwo jab drebij okrōn, a okrōn kwe.

1 Kor. 10. 12.

19 Inem kwo naj ba, Ra ko re bwilok bwe ren graft iō kaki.

20 Eokwe, r'ar bwilok kin air jab tōmak, im kwoj jutōk kin am tōmak. Kwon jab koutiej buruōm, a kwon mijōk:

jap. 12. 16. Pro. 23. 14. Isa. 66. 2. Pil. 2. 12.

21 Bwe elañe Anij e ar jab kānlok ra ko kin biktokeir, E jamin kānlok yuk.

22 Inem kwon lale mōk joij im bin an Anij: ñōn ro r'ar buñ, bin; a ñōn yuk, joij an Anij, elañe kwoj berwōt ilo An joij: elañe jab, naj bareinwōt bukwelok yuk.

1 Kor. 15. 2. Hib. 3. 6, 14. Jon 15. 2.

23 Im ir bareinwōt, elañe re jab ber ilo air jab tōmak, e naj graft ir: bwe Anij ej maroñ in bar graft ir.

2 Kor. 3. 16.

24 Bwe elañe emwij bukwe yuk jen wijki oliv eawia ijo biktokin, im emwij graft yuk ilo wijki oliv emōn, kar jab biktokōm; ekijkan an laplok An graft ir, ra ko kin biktokeir, ilo wijki oliv eo air?

25 Bwe, ro jeiō im jātiō, I jab kōnan bwe komin jaje men etino in, ñe ab komin meletlet ilo ami mōke lemnok, bwe benawia ej walok ilo jimōtōn ñōn dri Israel mae ien obrōk an dri ailiñ e naj dreloñtok;

jap. 12. 16. 2 Kor. 3. 14. Luk 21. 24. Rev. 7. 9.

26 Im ein drein naj lomoren Israel otemjej: einwōt emwij je, Dri Lomor e naj itok jen Zalōn, im E naj kejeōr jerawiwi jen Jekōb.

Isa. 59. 20. Sam 14. 7.

27 Bwe eñin Að kalimur ñön ir, ñe I naj böklok jerawiwi ko air.

Isa. 27. 9.

28 Aet, kin gospel rej dri kijirät kin kom; a ekar ñön kälet rej dri jitenburu kin ro jimair.

Dut. 7. 8. & 9. 5. & 10. 15.

29 Bwe men in lelok ko im kir an Anij re jab ukukot.

Bwin. 23. 19.

30 Bwe einwöt ien ko mokta kom ar kiblia ñön Anij, a kiö kom ar bök tiriamo kake kin air kiblia,

Ep. 2. 2. Kol. 3. 7.

31 Ein drein ir bareinwöt r'ar kiblia, bwe ilo An tiriamokake kom, ir bareinwöt ren bök tiriamokake.

32 Bwe Anij e ar kil ir otemjej ilo kiblia, bwe En tiriamokake ir otemjelok.

jap. 3. 9. Gal. 3. 22.

33 O imlöl in mweien meletlet im jela an Anij! ekajet ko An re nañin lälök jen bukot! im tal ko An je jab maroñ anökilok!

Sam 36. 6. & 22. 5. Job 11. 7.

34 Bwe wön e ar jela lemnok an Iroj? ak wön e ar dri bebe iben?

Job 15. 8. Isa. 40. 13. Jer. 23. 18. 1 Kor. 2. 16. Job 36. 22.

35 Ak wön e ar lelok ñön E mokta, im bar bök wönan jen E?

Job 35. 7. & 41. 11.

36 Bwe jen E, im kin E, im ñön E, men otemjejelok. Ñön E aibujuij in drio. Amen.

1 Kor. 8. 6. Kol. 1. 16. Gal. 1. 5. 1 Tim. 1. 17.

2 Tim. 4. 18. Hib. 13. 21. 1 Pit. 5. 11.

2 Pit. 3. 18. Jud 25. Rev. 1. 6.

JAPTER 12.

INEM ij akwelap ñön kom, ro jeiö im jätiö, kin tiriamokake ko an Anij, bwe komin lelok enbwinemi men in jurtak emour, ekwojarjar, men in kabuñburuen Anij, eñin ami jermal men in Jitöb.

2 Kor. 10. 1. 1 Pit. 2. 5. Sam 50. 13, 14. jap. 6. 13, 16, 19. 1 Kor. 6. 13, 20.

2 Im komin jab ilo wäwen dri löl in: a komin kejakilkil kom ilo kökäle ami lolätät, bwe komin melejoñ ta ankil an Anij emön im kabuñburuen im wäppen.

1 Pit. 1. 14. 1 Jon 2. 15. Ep. 1. 18. & 4. 23. Kol. 3. 10. 1 Tes. 4. 3.

3 Bwe kin joiy eo ar letok ñön iö, ij ba ñön jabrewöt armij iami, bwe en jab lemnok kin e möke eutiej jen emön en lemnok kake; a bwe en lemnok ekar ñön jelalokjen, einwöt Anij e ar ajej ñön jabrewöt armij joñön tömak.

jap. 1. 5. & 11. 20. Ekl. 7. 16. 1 Kor. 12. 7, 11.

4 Bwe einwöt elöñ rä iber ilo juön enbwin, im ra ko otemjej e jab juön wöt an jermal:

1 Kor. 12. 12. Ep. 4. 16.

5 Bareinwöt kij, jelöñ, jej juön enbwin ilo Kraist, im kij otemjej ran dron.

1 Kor. 10. 17. & 12. 20, 27. Ep. 1. 23. & 4. 26.

6 Inem, bwe eor men in letok iber, im rej ein juön jen dron ekar ñön joiy eo emwij letok ñön kij; elañe drikanij, jen drikanij ekar ñön joñön tömak;

1 Kor. 12. 4, 10. 1 Pit. 4. 10, 11. Jerb. 11. 27.

7 Ak jermal, jen ber ilo jermal eo; ak eo ej dri kaki, en ber ilo an dri kaki;

Jerb. 13. 1. 1 Tim. 5. 17.

8 Ak eo ej kowe, ilo an kowe: eo ej lelok, en dreeplok kake; eo ej iroj, ilo niknik; eo ej kömön tiriamo, ilo möñöñö.

Jerb. 15. 32. Mat. 6. 1-3. 12 Kor. 8. 2. 1 Pit. 5. 2. 2 Kor. 9. 7.

9 Yokwe en jab ankiliriöp. Komin jöjöike men eo enana; komin edrep ñön men eo emön.

1 Tim. 1. 5. 1 Pit. 1. 22. Sam 97. 10.

10 Kin yokwe jimjän jimjäten, komin menoan dron; kin könimarmij, komin koutiej dron;

1 Pit. 1. 22. Pil. 2. 3.

11 Kin kijejeto, komin jab jowön; komin böplolin ilo ami; komin jermal ñön Iroj;

12 Komin löñlñ ilo kejatirikrik; ilo iñtan, komin kijenmij; komin niknik ilo jar;

Hib. 10. 36. Jerb. 2. 42. & 12. 5.

13 Komin lelok ñön ro remön men ko rej aikwij kaki; komin lorlok kajijötarmij.

1 Kor. 16. 1. 2 Kor. 9. 1, 12. Hib. 6. 10. & 13. 16. 1 Jon 3. 17. 1 Tim. 3. 2. Tait. 1. 8. Hib. 13. 2.

14 Komin jar kin ro rej matör-
207

töre kom; komin jar im jab kanöj-nij.

Mat. 5. 44.

15 Komin löfliñ iben ro rej löñ-liñ, im jöñ iben ro rej jöñ.

1 Kor. 12. 26.

16 En ami lemnok wöt juön ñön dron. Komin jab lemnok kin men ko routlej, a komin kötaik kom ñön men ko rettä. Komin jab metlet ilo ami möke lemnok.

jap. 15. 5. Pil. 2. 2. & 3. 16. 1 Pit. 3. 8. Sam 131. 1. 2. Pro. 3. 7. & 26. 12. Isa. 5. 21. jap. 11. 25.

17 Komin jab bar lelok ñön jabrewöt armij nana kin nana. Komin lemnok kin men ko remön iman mejen armij otemjej.

Mat. 5. 39. jap. 14. 16. 2 Kor. 8. 21.

18 Elañe e maroñwe, einwöt ej ber ibemi, komin ainemön iben armij otemjej.

Mark 9. 50. jap. 14. 19.

19 Kom jitenburu, komin jab irenwöne kin kom, a lelok jikin ñön illu eo: bwe emwij je, Kwonaö irenwöne, I naj nawönan, Iroi e ba.

Levai 19. 18. Dut. 32. 35. Hib. 10. 30.

20 A elañe eo ej kijiräte yuk e kwuli, kwon najirik e; elañe e maro, kwon kairak e: bwe kin am kömön men in kwo naj ejoji melle kijeek ba ion böran.

Eks. 23. 4, 5. Pro. 25. 21, 22.

21 Nana en jab anjo jen yuk, a kwon anjo jen nana kin emön.

JAPTER 13.

ARMIJ otemjej ren kible ñön ro routlej jen ir: bwe ejelok eutie j a jen Anij wöt; im ro rej ber Anij e ar likiti.

Tait. 3. 1. 1 Pit. 2. 13. Dan. 2. 21. & 4. 32. Jon 19. 11.

2 Ein drein eo ej jumae eo eutie j ej jumae men in kañi an Anij: im ro rej jumae re naj bök liakelok ñön ir.

Tait. 3. 1.

3 Bwe iroi j rön re jab kimjök kin jerbal eo emön, a kin eo enana. Inem kwo jab kōnan mijök eo eutie j ke? kwon kömön men eo emön im kwo naj bök nebar jen e:

1 Pit. 2. 14. & 3. 13.

4 Bwe e dri korijeran Anij iböm ñön emön. A elañe kwoj kömön men eo euana, kwon mijök; bwe e jab jitokjen an bök jaji: bwe e dri korijeran Anij, dri irenwöne ñön illu iben eo ej kömönömön nana.

5 Inem komin kible jab kin illu eo wöt, a bareinwöt kin bökliköt.

Ekl. 8. 2. 1 Pit. 2. 19.

6 Bwe kin men in komij bareinwöt owöj; bwe ir dri jerbal an Anij, im rej lale men in ien otemjej.

7 Komin lelok ñön ro otemjej men ko rekar ñön ir, owöj ñön eo en bök owöj, kwojkwoj ñön eo kwojkwoj ekar, mijök ñön eo mijök ekar, kōnimarmij ñön eo kōnimarmij ekar.

Mat. 22. 21. Mark 12. 17. Luk 20. 25.

8 Komin jab muri ñön jabrewöt armij kin jabrewöt, a kin yokwe dron: bwe eo ej yokwe dri turin e ar kajejit kien.

Kol. 3. 14. 1 Tim. 1. 5.

9 Bwe eñin, Kwon jab lüñ, Kwon jab uror, Kwon jab kwot, Kwon jab ankwnak, im elañe jabrewöt bar juön kien, ej kejil ilo nan in, Kwon yokwe dri turum im einwöt kwe.

Eks. 20. 13-17. Dut. 5. 17-21. Mat. 19. 18. Levai 19. 18. Mark 12. 31. Gal. 5. 14.

Jem. 2. 8.

10 Yokwe e jab jerbale nana ñön dri turin: inem yokwe e men in kajejit kien.

Mat. 22. 40.

11 Im men in, ke je jela ien, bwe auö in ruj jen kiki e mottok: bwe ar mour ebake kiö jen ke j'ar tömak mokta.

1 Kor. 15. 34. Ep. 5. 14. 1 Tes. 5. 6.

12 Boñ enañin motelok, ran ebaktok: inem jen wutik jerbal in marok, im kōnök ken törinae in maram.

Ep. 5. 11. & 6. 13.

13 Jen etetal ejime einwöt ilo ran, jab ilo airwaro im karek, jab ilo lüñ im mijkaiye, jab ilo akwaii im junmare.

1 Tes. 4. 12. Pro. 23. 20. Luk 21. 34. 1 Pit. 4. 3. 1 Kor. 6. 9. Jem. 3. 14.

14 A komin kōnök Iroi j Jisös

Kraist, im jab kapojök kin kōniek, ññon jujurmelea ko an.

Gal. 3. 27. & 5. 16. Ep. 4. 24. Kol. 3. 10. 1 Pit. 2. 11.

JAPTER 14.

EO e mōjino ilo tōmak komin bōke, jab kin ekajet kajitök ko re berre.

Jap. 15. 1. 1 Kor. 8. 9, 11. & 9. 22.

2 Bwe juñn ej tōmak en mōña men otemjej: a eo emōjino ej mōña kōninene wōt.

3 Eo ej mōña en jab kejekron eo e jab mōña; im eo e jab mōña en jab ekajet eo ej mōña, bwe Anij e ar bōk e.

Kol. 2. 16.

4 Wōn kwe eo kwoj ekajet kori-jeran bar juñn? iben iroijs eo an ej jutök, ak buñ. A naj kajutök e, bwe Iroijs en E maroñ in kajutök e.

Jem. 4. 12.

5 Juñn armij ej kaurök juñn ran jen bar juñn ran: bar juñn ej kaurök ran otemjej einwōt juñn. Jabrewōt armij en kanuij rel buruen.

Gal. 4. 10.

6 Eo ej lale ran eo, ej lale ññon Iroijs; im eo ej mōña ej mōña ññon Iroijs, bwe ej kamolol Anij; im eo e jab mōña, ññon Iroijs e jab mōña, im ej kamolol Anij.

1 Kor. 10. 31. 1 Tim. 4. 3.

7 Bwe ejelok iar ej mour ññon e mōke, im ejelok en ej mij ññon e mōke.

1 Kor. 6. 19, 20. Gal. 2. 20. 1 Tes. 5. 10. 1 Pit. 4. 2.

8 Bwe elañe je mour, jej mour ññon Iroijs; ak elañe je mij, ññon Iroijs jej mij: inem elañe jej mour ak mij, kij dron Iroijs.

9 Bwe ññon men in Kraist e ar mij im bar mour, bwe En Iroijs ion ro remij kab ro remour.

2 Kor. 5. 15. Jerb. 10. 36.

10 A kwe, etke kwoj ekajet jeñm im jātōm? im kwe etke kwoj kejekron jeñm im jātōm? bwe kij otemjej je naj jutök iman tron in ekajet an Anij.

Mat. 25. 31, 32.

11 Bwe emwij jeje, Einwōt Ij mour,

Iroijs ej ba, bukwe otemjej re naj bukweññon ññon Iō, im lo otemjej re naj kwalok ññon Anij.

Isa. 45. 23. Pil. 2. 10.

12 Inem jabrewōt iar e naj lelok nan kin e mōke ññon Anij.

Mat. 12. 36. Gal. 6. 5. 1 Pit. 4. 5.

13 Inem jen jab bar ekajet dron, a emōñlok komin ekajet men in, bwe ejelok armij en likit latibñil ak lõkatip ilo lal an eo jein im jātın.

1 Kor. 8. 13. & 10. 32.

14 I jela, im emwij karel iō ilo Iroijs Jisōs, bwe ejelok men e mōke jab erreō: a ññon eo ej lemnok jabrewōt men eo e jab erreō, e jab erreō ññon e.

Jerb. 10. 15. 1 Kor. 8. 7, 10.

15 Bwe elañe kin kijōm, jeñm im jātōm e buromōj, kwo jab etetal kiō kin yokwe. Kwon jab kokkure kin kijōm eo Kraist e ar mij kin e.

1 Kor. 8. 11.

16 Inem ren jab konono nana kin ami emōn:

Jap. 12. 17.

17 Bwe ailiñ in Anij e jab mōña im irak; a wañlik, im ainemōn, im lõñliñ ilo Jitōb Kwojarjar.

1 Kor. 8. 8.

18 Bwe eo ej jermal ññon Kraist ilo men kein, ej kabuñburuen Anij, im lejokmen iben armij.

2 Kor. 8. 21.

19 Inem jen lor men in ainemōn ko, im men ko je maroñ in kalek dron kaki.

Sam 34. 14. Jap. 12. 18. & 15. 2. 1 Kor. 14. 12. 1 Tes. 5. 11.

20 Kin mōña komin jab kokkure jermal an Anij. Men ko otemjej rerreo, a enana iben armij eo ej mōña kin latibñil.

Mat. 15. 11. Tait. 1. 15. 1 Kor. 8. 9-12.

21 Emōn jab mōña kōniek, ak irak wain, ak kōmōn jabrewōt eo jeñm in jātōm ej tibñil kake.

22 Tōmak eo am en am mōke iman mejen Anij. Emōññō eo e jab mōke liakelok e ilo men eo ej kamelim.

1 Jon 3. 21.

23 A eo ej berre eor ruñn elañe ej

mōña, bwe e jab jen tōmak : bwe jabrewōt men eo e jab jen tōmak e jerawiwi.

JAPTER 15.

INEM emōn bwe kij je kajur jen bōk mōjino ko an ro re jab kajur, im jab mōke kabuñburuer.

Gal. 6. 1. jap. 14. 1.

2 Kij otemjej jen kabuñburuen dron ilo emōn, ñōn kalek ir.

1 Kor. 9. 19, 22. & 10. 24, 33. & 13. 5. jap. 14. 19.

3 Bwe Kraist bareinwōt E ar jab mōke kabuñburuen : a einwōt emwij je, Kajirere ko an ro r'ar kajirere kake Yuk, r'ar buñōt Iō.

Jon 5. 30. Sam 69. 9.

4 Bwe jabrewōt men ko ar jeje mokta, ar jeje ken katakin kij, bwe kij kin kijenmij, im kin ainemōn jen Jeje ko, en or ar kejatrikrik.

1 Kor. 9. 9, 10. & 10. 11. 2 Tim. 3. 16, 17.

5 Kiō Anij in kijenmij im ainemōn En lewoj bwe en buruemi wōt juōn ñōn dron ekar ñōn Kraist Jisōs :

1 Kor. 1. 10. Pil. 3. 16.

6 Bwe kin juōn wōt loñimi komin jimor kaibujuij Anij, eo Jemen ar IroiJ Jisōs Kraist.

Jerb. 4. 24, 32.

7 Kin men in komin bōk dron, einwōt Kraist e ar bōk kom, ñōn aibujuij an Anij.

jap. 14. 1, 3. jap. 5. 2.

8 Bwe ij ba, Emwij kōmōn Kraist dri jerbal ñōn dri mijmij kin mol an Anij, bwe En kabin kalimur ko ar lelok ñōn ro jimair,

Mat. 15. 24. Jon 1. 11. jap. 3. 3. 2 Kor. 1. 20.

9 Im bwe ro dri ailiñ ko ren kaibujuij Anij kin An joiJ ; einwōt emwij je, Kin men in I naj wijtake Yuk lolapin dri ailiñ ko, im al ñōn etōm.

Jon 10. 16. Sam 18. 49.

10 Im, Ej bar ba, Komin lōñliñ, kom dri ailiñ ko, iben ro dron.

Dut. 32. 43.

11 Im bar juōn, Komin wijtake IroiJ, kom otemjej dri ailiñ ; im komin nebar E armij otemjej.

Sam 117. 1.

12 Im bar juōn, Aisala e ba, E naj eor okrōn Jesse, im Eo ej juten IroiJ ion dri ailiñ ko ; im dri ailiñ re naj kejatrikrik ir kin E.

Isa. 11. 1, 10. Rev. 5. 5. & 22. 16.

13 Im Anij in kejatrikrik En ko-brōk kom kin lōñliñ otemjej im ainemōn ilo tōmak, bwe en ke ami kejatrikrik ilo kajur an Jitōb Kwojarjar.

jap. 12. 12. & 14. 17.

14 A ña ij mōke rel kin kom, ro jeiō im jātliō, bwe komij mōke obrōk kin emōn, obrōk kin jela otemjej, im bareinwōt kom maroñ in koweik dron.

2 Pit. 1. 12. 1 Jon 2. 21. 1 Kor. 8. 1, 7, 10.

15 A ij jeje nan kein kin elap beran, ro jeiō im jātliō, ilo jimōtōn, bwe in kakememej kom, kin joiJ eo Anij e ar letok ñōn iō,

jap. 1. 5. & 12. 3.

16 Bwe ña in dri jerbal an Kraist Jisōs ñōn dri ailiñ ko, ke ij jerbal ilo gospel an Anij, bwe jurtak kin ro dri ailiñ ko en men in kabuñburuen, ke e kwojarjar ilo Jitōb Kwojarjar.

jap. 11. 13. 1 Tim. 2. 7. 2 Tim. 1. 11. Pil. 2. 17.

17 Inem eor kimjāje iba, ilo Kraist Jisōs, kin men ko an Anij.

Hib. 5. 1.

18 Bwe I jamin beran in konono kin jabrewōt, a men ko Kraist e ar jerbale kin iō, bwe dri ailiñ ko ren kible, kin nan im jerbal,

Jerb. 21. 19. Gal. 2. 8. jap. 1. 5. & 16. 26.

19 Ilo kajur in kakōle ko im men in bwiłōñ ko, ilo kajur an Jitōb Kwojarjar ; hwe jen Jerusalem im ilo belakin ñōn Illirikōm I ar kanuij kwalok gospel an Kraist ;

Jerb. 19. 11. 2 Kor. 12. 12.

20 Aet, I ar kajeoñ bwe in kwalok gospel eo, jab ijo emwij kwalok etan Kraist ie, bwe in jab kalek iou jerbal an bar juōn armij ;

2 Kor. 10. 13-16.

21 A, einwōt emwij je, Ro e jañin walok nan kin E ñōn ir, re naj loe : im ro re jañin roñ re naj jela kake.

Isa. 52. 15.

22 Kin men in bareinwöt ar böprae ið elöñ alen jen að iwij ñön ibemi:
jap. 1. 13. 1 Tes. 2. 18.

23 A kið, bwe ejelok bar jikið ijo-kein, im elöñ yið I ar kanuij kō-
nan iwij ñön ibemi,

Jerb. 19. 21. jap. 1. 11.

24 Ñe I naj ilok ñön Spein (bwe ij kōtōmene in lo kom ñe ij ilok, im bwe komin jibōñ ið lok ñön ijo, elañe mokta emwij að mōnōnō im ber ibemi)

Jerb. 15. 3.

25 A kið, Ij ba, ij ilok ñön Jeru-
salem bwe in jermal ñön ro remōn.

Jerb. 19. 21. & 20. 22. & 24. 17.

26 Bwe dri Masedonia im dri Akeia r'ar lemnok emōn bwe ren kōmōn mweien tiriamo ñön ro dri jermal ian ro remōn i Jerusalem.

1 Kor. 16. 1. 2 Kor. 9. 2.

27 R'ar lemnok emōn, im ir dri muri ñön ir. Bwe elañe ro dri ailiñ rej bōk mōtōn air men in Ji-
tōb, ekar bwe ren jermal ñön ir ilo men in kōniek.

jap. 11. 17. 1 Kor. 9. 11. Gal. 6. 6.

28 Inem ñe emwij að kōmōn jer-
bal in, im kamol ñön ir leen in, I naj jeblakwoj ñön kom im ilok ñön Spein.

Pil. 4. 17.

29 Ìm I jela bwe ñe ij iwij ñön
ibemi, I naj iwij ilo obrök in je-
rammōn an Kraist.

jap. 1. 11.

30 Kið ij akwelap ñön kom, ro
jeið im jatið, kin ar Iroi j Jisōs
Kraist, im kin yokwe an Jitōb,
bwe komin jimor kate kom iba ilo
jar ñön Anij kin ña,

Pil. 2. 1. 2 Kor. 1. 11. Kol. 4. 12.

31 Bwe En kejbārok ið jen ro re
jab tōmak i Judia; im bwe að jer-
bal eo ñön Jerusalem, en kabufibu-
ruen ro remōn;

2 Tes. 3. 2. 2 Kor. 8. 4.

32 Bwe in iwij ñön kom ilo lōñ-
liñ kin ankil an Anij, im bwe in
kakije ibemi.

jap. 1. 10. Jerb. 18. 21. 2 Tim. 1. 16.

33 Kið Anij in ainemōn En ber
ibemi otemjej. Amen.

jap. 16. 20. 1 Kor. 14. 33. 2 Kor. 13. 11. Pil.
4. 9. 1 Tes. 5. 23. 2 Tes. 3. 16. Hib. 13. 20.

JAPTER 16.

IJ kwalok im nebar ñön kom
Pibe, jätim kōra, eo dikōn ilo
eklesia i Senkria:

Jerb. 18. 18.

2 Bwe komin bōk e ilo Iroi j, ein-
wöt ekar iben ro remōn, im bwe
komin jibōñ e ilo jabrewöt eo ej
aikwij jen kom: bwe e ar dri jibōñ
elöñ, im bareinwöt ið.

Pil. 2. 29.

3 Komin yokyokwe Priska in
Akula, ro dri jermal iba ilo Kraist
Jisōs,

Jerb. 18. 2.

4 Ro r'ar janilik kin kenwair bwe
in mour wöt; e jab ña wöt ij kamo-
lol ir, a bareinwöt eklisia otemjej
an dri ailiñ ko.

5 Bareinwöt, yokyokwe eklisia eo
ilo imweir. Komin yokyokwe Epe-
nitōs e jitenburu iba, eo leen jomō-
kōj in Esia ñön Kraist.

1 Kor. 16. 15, 19. Kol. 4. 15. Pail. 2.

6 Yokyokwe Meri, eo elap an kar
jermal ñön kom.

7 Yokyokwe Andronaikōs im Ju-
nias, ro nuku, im dri prisōn iba, im
lejakmen iben ro dri jilik, im bar-
einwöt r'ar ber ilo Kraist mokta
jen ið.

Gal. 1. 22.

8 Yokyokwe Amplitōs, jitenburu
iba ilo Iroi j.

9 Yokyokwe Ōrbenōs, dri jermal
ibem ilo Kraist, im Stekis jiten-
buru iba.

10 Yokyokwe Apelles, eo lejok-
men iben Kraist. Yokyokwe ro
nukin Aristobulōs.

11 Yokyokwe Herodiōn, juōn nu-
ku. Yokyokwe ro ilo nukin Nar-
sissōs, ro ilo Iroi j.

12 Yokyokwe Traipina im Trai-
posa, ro rej jermal ilo Iroi j. Yok-
yokwe Persis e jitenburu, eo elap
an jermal ilo Iroi j.

13 Yokyokwe Rupōs eo e, Iroi j, ar
kālet, kab jinen, aet jinemro.

2 Jon 1.

14 Yokyokwe Asinkritōs, Pligōn,
Hermis, Patrobas, Hermas, im ro
jimjān jimjāten rej ber ibeir.

15 Yokyokwe Pilologōs, im Julia, Niriōs im lio jātin, im Olimpās, im ro remōn otemjej rej ber ibeir.

16 Komin yokyokwe dron kin mejenma ekwojarjar. Eklisia otemjej an Kraist rej yokyokwe kom.

1 Kor. 16. 20. 2 Kor. 13. 12. 1 Tes. 5. 26. 1 Pit. 5. 14.

17 Kiō ij akwelap nōn kom, ro jeiō im jātiō, komin kakōle ro rej kōmōn jibil ko im lōkatip ko jumae katak eo kom ar katak ie, im illok jen ir.

2 Tes. 3. 6, 14. 2 Tim. 3. 5. Tait. 3. 10. 2 Jon 10.

18 Bwe ro eirwōt re jab jerbāl nōn ar Iroi j Jisōs Kraist, a nōn lojeir; im kin air nan emōn wāwen im konono e wājeberik, rej mone buruen ro re jajelokjen.

Pil. 3. 19. Kol. 2. 4. 1 Tim. 6. 5. 2 Tim. 3. 6. Tait. 1. 10. 2 Pit. 2. 3.

19 Bwe ami kibleie e buñbuñtok nōn armij otemjej. Inem ij lōñlñ kin kom, a I kōnan komin meletlet nōn men eo emōn, im bwebwe kin nana.

Jap. 1. 8. Mat. 10. 16. 1 Kor. 14. 20.

20 Im Anij in ainemōn e naj mōkōj in juri Setan iomin neemi. Joi an ar Iroi j Jisōs Kraist en ber ibemi.

Jap. 15. 33. Jen. 3. 15. 1 Kor. 16. 23. 2 Kor. 13. 14. Pil. 4. 23. 1 Tes. 5. 28. 2 Tes. 3. 18. Rev. 22. 21.

21 Timote dri jerbāl iba ej yokyokwe kom, kab Lusiōs, im Jesōn, im Sosipeter ro nuku.

Jerb. 16. 1. 1 Tes. 3. 2. 1 Tim. 1. 2. 1 Jerb. 13. 1. & 17. 5. & 20. 4.

22 Ña Tertiōs, eo ij jeje letter in, ij yokyokwe kom ilo Iroi j.

23 Geiōs, aō toene kab eo an aolepen eklisia, ej yokyokwe kom. Erastōs, dri lala mōnni i jikin kwelok e ej yokyokwe kom, kab Kwartōs juōn ian jimjān jimjāten.

1 Kor. 1. 14. 2 Tim. 4. 20.

25 Kiō nōn Eo ej maroñ in kabin kom ekar nōn aō gospel, im kwalok nan kin Jisōs Kraist, ekar nōn walok in men eo etino e kar nojōk ilo ien ko mokta,

Ep. 3. 20. 1 Tes. 3. 13. 2 Tes. 2. 17. & 3. 3. Jud 24. Jap. 2. 16. Ep. 1. 9. & 3. 3-5.

Kol. 1. 27. 1 Kor. 2. 7.

26 A kiō emwij kalikar e, im kin Jeje ko an dri kanan ekar nōn kien Anij e in drio, ar kajalaik dri ailiñ kōn otemjej, nōn bokake kin tōmak;

2 Tim. 1. 10. Tait. 1. 2. 3. 1 Pit. 1. 20. Jerb. 6. 7. Jap. 1. 5. & 15. 18.

27 Ñōn Anij e wōt meletlet, kin Jisōs Kraist, nōn E aibujui in drio. Amen.

1 Tim. 1. 17. Jud 25.

LETTER MOKTA AN PAUL ÑŌN DRI KORINT.

JAPTER 1.

PAUL, emwij kir e bwe en dri jilikan Jisōs Kraist kin ankil an Anij, im Sostenis jātiō,

Rom 1. 1. 2 Kor. 1. 1. Ep. 1. 1. Kol. 1. 1. Jerb. 18. 17.

2 Ñōn eklisia an Anij, eo ej ber i Korint, nōn ro rokwojarjar ilo Kraist Jisōs, emwij kir ir bwe ren dri mōn, kab ro otemjej rej jar ilo etan ar Iroi j Jisōs Kraist ijo ko otemjej, air Iroi kab ar:

Jud 1. Jon 17. 19. Jerb. 15. 9. Rom 1. 7. 2 Tim. 1. 9. Jerb. 9. 14. Jap. 8. 6. Rom 3. 23.

3 Joi j nōn kom im ainemōn jen Anij Jemer im Iroi j Jisōs Kraist.

Rom 1. 7.

4 Ij kamolol aō Anij ten otemjej kin kom, kin joi an Anij eo emwij lewoj nōn kom ilo Kraist Jisōs;

5 Bwe ilo men otemjej kom ar mweie ilo E, ilo nan otemjej, im ilo jela otemjej;

Jap. 12. 8. 2 Kor. 8. 7.

6 Einwōt emwij kabin kennan kin Kraist ilo kom:

Jap. 2. 1. 2 Tim. 1. 8. Rev. 1. 2.

7 Ein drein kom jab etā jen ro jet ilo jabrewōt men in letok, ke